

Հողագուրկ են. նրանք մշակում են աղաների Հողերը և բերքի $\frac{1}{3}$ մասը տալիս են նրանց, իսկ 10 թուման էլ պետական Հարկ են վճարում: Բացի այդ աղաներն իւրաքանչիւր տարի վերցնում են նաև ապօրինի Հարկեր՝ այսպէս 50 բեռցորեն, 40 հաւ, 2000 հաւկիթ, 40 էշ և 30 գործող մարդիկ:*

Այս ծանր Հարկերի վրայ աւելացնենք անվերջ Հարստահարութիւններն ու կեղեքումները, որ կատարում են հէնց կալաճատէր աղաների մարդկանց կողմից, որոնց հետ միաժամանակ կեղեքում են նաև թափառաշրջիկ ցեղերը, որոնց թիւն այս շրջանում մեծ է: Ենորհիւ այս հանգամանքների գիւղն աղքատացել է, այնպէս որ, հայ գիւղացիութիւնն այստեղ գտնւում է տնտեսական չափազանց նեղ դրութեան մէջ:

Գիւղի Հողը մեծ մասամբ ջրովի է. օգտւում են աղբիւրներից և Զայենդէրուդ գետից, որը ձգւած է գիւղի արևելեան կողմը, 20 քալլ հեռաւորութեան վրայ և Արթունաբազը բաժանում է Բարդաշայից. դա սկիզբ է առնում Զէհէլ-Զէշմից և ոլորապտոյտ հոսելով Արթունաբազի ու Բարդաշայի արտերի փէշերից արագընթաց անցնում է դէպի Նոր—Ջուղա:

Գիւղն ունի մի փոքրիկ, աննշան եկեղեցի՝ Ս. Մինաս: Դպրոց չունի: Ժողովրդին Հարկաւոր է կրթութիւն:

№	Կ Ա Ր Գ Ե Ր	Շունչ
1	Աղքատ	20
2	Զուն/որ	7
3	Միջակ	36
4	Ունևոր	—
5	Հարուստ	—
	Ընդամենը	63

Ղ Ա Լ Ս Մ Ե Լ Ի Ք

Սա գտնւում է Սվարան գիւղի արևմտեան կողմը, կէս

* Այս տեղեկութիւնները բերում ենք գիւղի քէղիւղայի տաճ վկայութիւնից: